

Juffrouw Frances Trinidad Kelly a despedi di school Caiquetio



ORANJESTAD(AAN) -- Den un ambiente trankilo di The Palm Island maestro y

alumnonan di School Caiquetio a bin hunto pa tuma despedida di juffrouw

Frances kende despues di a traha 29 aña na School Caiquetio, ta retira for di en-

señanza.

Den presencia di Minister di Enseñanza mr. Eddy Croes, famia y otro invitadonan, e alumno y maestronan a presenta un programa extenso na honor di juffrouw Frances. Meneer Silvo Willems a yama tur presente bon bini y a bisa cu, apesar cu School Caiquetio ta tristo pasobra nan ta perde nan juffrouw y cabezante, toch nan ta contento pa tur loke juffrouw Frances a haci y nifica pa nan. E programa presenta tabata uno hopi varia: canto, baile, comedia y poesia intercambia pa algun speech cortico. Minister Croes a dedica algun palabra na juffrouw Frances. Segun Minister Croes, juffrouw Frances, kende a traha 29 aña na e mesun school, a pone su stempel riba e school, su contenido y e tipo di enseñanza aki. Minister Croes a expresa e speranza cu su coleganan lo sigui cu e trabao, cu e mesun smak cu juffrouw Frances. Como cu na mente, el a bisa di ta spera di tende pronto di e actividadnan di juffrouw Frances. Minister Croes a termina gradiciendo juffrouw Frances pa tur loke

el a haci pa enseñanza di Aruba y deseand'e hopi exito den su carera den futuro. Silvio Emerencia representante di SKOA tambe a hiba palabra y a gradici juffrouw Frances pa su añanan di dedicacion y ta spera cu juffrouw Frances lo realisa tur su plannan pa futuro.

Victor Rasmijn, den nomber di e mayornan di School Caiquetio a gradici juffrouw Frances, pero tambe e muchanan, maestronan y invitadonan a goza un mundo di e mainta cultural. Tabatin comemento y despues e alumnonan a entrega juffrouw Frances un regalo, sigui pa e maestronan.

Juffrouw Frances a aprecia esaki masha hopi mes y a gradici mayor, colega y alumnonan pa e despedida inolvidabel cu nan a prepara p'e. "School tabata mi bida", juffrouw Frances a trece dilanti y p'esey el a aprecia masha hopi e cooperacion cu semper el a ricibi di e diferente instancianan. Pa clausura e mainta colega y alumnonan hunto a canta: "Tur cos bon juffrouw Frances".